

國朝詞綜續編

冊二

國朝詞綜續編卷七

海鹽

黃燮清

編纂

吳縣

潘介繁

襄校

仁和

徐慶銓

編次

平湖

張炳堃

增訂

錢塘

諸可寶

校勘

永康

胡鳳丹

監刊

吳衡照二首

張湘任二首

孔昭薰二首

孔廣廉一首

魏襄二首

楊士昕四首

管貽蓀二首

鮑廷博五首

張琦一首

吳振棫二首

李堂二首

戴銘金一首

改琦三首

程梓浩二首

唐維峻一首

楊文蓀二首

查奕照一首

任安上一首

周迪一首

汪潮生三首

徐蘭生一首

何其章五首

楊夔生七首

潘曾沂二首

沈秉璆一首

汪遠孫四首

蔡春雷二首

吳衡照

字夏治號子律仁和籍海甯人嘉慶十六年進士官金華府教授有辛卯生詩餘

吳仲雲杭郡詩續輯云子律性蕭淡通籍以縣令用請改官冷局精於倚聲按譜之學所著蓮子居詞話研究宗旨非泛事鈔撮者比

蝶戀花

揉碎芳心團作絮飛入重門遙挂櫻桃樹人在可憐春裏住樓臺金粉無尋處聽得雕梁新燕語隔著簾櫳掠過雙紅縷花底閒愁愁幾許銜愁不去銜花去

疎影 碧梧畫梅遺蹟

香生色活誤翠禽兩兩飛近花缺幾筆橫斜相對無言卻稱淡妝初抹離魂倩女依稀是倚綰袂林閒清絕把一枝玉笛吹來喚起舊時明月誰料天寒日暮謝庭正詠罷珠樹輕折冷落餘芳何處溪山忍見粉痕重疊還愁素壁春光早便化作羅浮癡蝶待恁時縹緲驚迴認取九疑仙骨

張湘任

字笠溪平湖入嘉慶十六年恭應西巡召試欽取二等二十四年舉人文穎館

議敘知縣有抱璞亭詩文集

黃韻甫曰先生幼擅才名長立行誼廓然  
有當世之志乃荏苒文場中年後始得一  
第又以母老不赴春官息影家居摧頽終  
老余與哲嗣海門鹿仙昆季游獲親言論  
丰采讀滿江紅一闋蒼涼激楚可以感其  
遇矣

金縷曲

戊子仲春攜數瞿萊柱赴彭城毓達侍

薌畦送至梁溪偕楊劍門鶴秋父子顧

竹勳秩卿硯恩同舟作慧山之游晚泊

黃埠墩話別爲填此闋兼寄芝亭

勝地遨遊舊數鯁生中年多故前盟寒久今日重攜  
鷗鷺侶奈值將離時候看遠岸垂垂楊柳淡月疏風  
帆欲挂問諸君此際魂銷否聊繾綣一杯酒平生  
壯志多孤負爲飢驅新霜盈鬢天涯奔走草長鶯飛  
春似錦不許在家消受悵一霎良朋分手更念能詩  
高仲武想連宵聽雨淒涼又緘此闋置君袖

滿江紅

乙未四月三十夜敖陽店中作用岳忠

武韻

素鬢飄蕭歸去也雄心盡歇回首望帝京縹緲長歌

激烈十六年來餘舊夢三千里外看明月趁此時早  
作下場詩休淒切想前事鴻泥雪從今後都消滅  
擁殘書也當免營三窟濁酒千鍾澆塊壘名山萬卷  
留心血算吾儕草野出經綸酬金闕

孔昭薰

字惠如號琴南曲阜人嘉慶十八年舉人  
官臨邑縣訓導道光三年臨雍署翰林

院五經博士有貯雲詞

浣溪沙

辛卯二月十四日對倩春小影偶題是  
日其亡辰也

芳影輕盈畫裏春舊時眉嫵淺螺痕一杯慘落醉香  
魂聽雨簾櫳疑雨夢釀花天氣惜花人此情偏覺  
幻中真

浪淘沙

曉月恰弓彎一點銜山盧溝橋畔水潺潺小憩旗亭  
微醉也暫解征鞍花事未闌珊魂夢鄉關輪蹄入  
度又長安爭奈踏青時節好客裏春寒

孔廣廉

字季直號靜吾曲阜人官刑部主事

浣溪沙

大通橋泛舟

通惠河中鼓柁行紅船白板水盈盈茶煙半縷颺波  
輕兩岸風搖蘆荻影一篷雨結鷺鷥盟槐村樹色

暮雲橫

魏

襄字曾容

八聲甘州 秋海棠

比亭亭倩女立蒼苔啼痕是前身剩千般幽怨含情  
欲訴約住離魂我是悲秋宋玉賦豔總傷神淒絕西  
風裏一晌酸辛耐得閒庭寂寂更黃昏獨自誰與  
溫存算生來低亞不分接青雲捲珠簾佳人悵望又  
幾曾插向鬢邊新多情月三更時候照到牆根

菩薩蠻

河陽三月東風遍潘郎才思何郎面相照世無雙來  
時花滿堂曇紅纔一現天上難重見煙雨灑平蕪  
春殘香夢疎

楊士昕字劭起

菩薩蠻

蜀琴漆斷梅花縐海棠枝上生紅豆料得賞音難好  
花如此寒蓮根蓮葉盃鳥語提壺勸別境醉迷離  
重逢定幾時

又

閨門白下吳歌遠馬蹄又踏平沙淺鬟影動雙橈風  
流廿四橋寶奩金翡翠刻玉玲瓏珮羅帶鎮雙垂

腰圍亦自知

南浦

極目碧雲深怨重城好夢新來都阻深院悄無人闌  
干外燕影幾番來去銀屏舊約暗塵吹滿傷心句露  
氣團霜霜浸月獨對鑪香銷炷此時那可無卿向  
蠻箋裁雪秦箏調柱早是怯新寒春風遠尚有重簾  
能護花期短短天涯容易年華誤相見因循相別暫  
已是今宵虛度

又

短夢不分明起來時舞碎一庭花影樹杪亂昏煙霜  
花暗吹入庾郎愁境斜陽逝水幾多身世閒名姓衣  
上酒痕巾上淚爭忍自看明鏡銅壺凍徹無聲任  
漫漫長夜寒雞休醒畫角動城樓龍沙外衰草可銷  
風勁關心歲暮黃金馬骨燕臺冷那更故鄉消息斷  
併作客愁千頃

管貽蓀

字樹荃陽湖人

齊天樂雪意

凍雲銷斷瓊樓影悽悽又驚冬晚遠浦波凝前村樹  
渺認取荒寒天半斜陽恁短牘畫角聲中暮鴉零亂  
下卻重簾添衣人正在深院天涯幾番望遠奈玉

龍吟徹芳信頻換暗月迎愁尖風破夢何處酒濃香  
暖春魂待轉怕句起梨花隔年清怨料理幽尋灞橋  
詩思滿

南浦

門卷綠楊深款香塵記得舊時朱戶徑悄碧苔封空  
惆悵前度曲闌鸚鵡銷魂咫尺殢人何必天涯路剩  
有閒情消不得尋徧畫屏題句遙憐岫裏輕雲出  
孤峯一例便隨煙霧底事別恩恩含愁問還恐西風  
無語暮鴉飛盡淒涼暝色催歸去卻待遠天新月上  
依約認他眉嫵

鮑廷博

字以文號淥歛歛縣人諸生家錢塘藏書

甲於浙右校刊書籍亞于汲古閣刻知不

足齋叢書二十八集嘉慶十八年 欽賜

舉人年已八十六逾年卒工詩有花韻軒

詠物詩存

沁園春

急管哀絲誰解玲瓏新聲可憐儘南箕北斗量珠簫  
玉東阡西陌問舍求田老冉冉兮是栖栖者總怕春  
寒夜雨連芳隄上鎮青青不改草色年年如何醉  
買江天載雞犬圖書共一船借柳陰橫笛消磨風月

花閒小令商略雲煙帆去帆來潮生潮落只在斜陽  
白鳥邊從人喚作瀟湘漁父瀛嶠神仙

前調題陶篁村西湖泊鷗莊

我羨南村卜築西泠東籬數椽怡林逋老去梅花冷落  
陶潛小住楊柳依然三徑初成兩峯相對喜見山人  
放鶴還忘晨夕儘多情魚鳥作態雲煙先生何許人  
焉看鬚鬢飄飄總欲仙趁竹窗風度微敲酒面  
柴門月上私倚吟肩笑把綸竿閒堆蓑笠管領滄波  
一釣船漁郎誤指桃源又是同泊鷗邊

玉樓春

桃花面暖芙蓉冷著意端相都未肯隔簾偷眼太  
恩對鏡凝粧空整整光明藏放琉璃境一片春冰  
沈古井請君深掩碧窗紗分付驚鴻來照影

沁園春題父山卜居圖

卜宅南村我羨君歸偏饒勝情指平岡迤邐雲連野  
寺遠林明滅煙隔層城竹裏樓高茶邊屋矮闌檻蕭  
閒水石清經營徧還舊時月色別館秋聲遷鶯短  
棹尋盟喜生客門前熟犬迎怡山僧初去一枰棋亂  
春風先到滿樹花明位置壺觴安排筆硯爲我西窗  
小榻橫披圖笑問主人何日日就園成

秦樓月二分明月女子折枝墨桃

風吹折惱人半面曾相識曾相識年年一笑清明時  
節玉臺小試簪花筆無端點點臙脂黑臙脂黑多  
應錯弄畫眉顏色

張

琦字翰風號宛鄰陽湖人嘉慶十八年舉人  
官館陶縣知縣有立山詞一卷

南浦

冰雪冷關河最驚心到了歲寒時節魚雁信沈沈還  
只是望斷天涯消息千重離恨不曾細與征鴻說窗  
外梅花應笑我換卻舊時華髮殷勤惟有何郎向  
琵琶絃上訴將幽咽淪落最堪嗟分明似庾信平生  
蕭瑟鶯花燕市卅年春夢成陳迹眼底榮枯都莫問  
且醉尊前明月

吳振械字宜甫號仲雲錢唐人嘉慶十九年進士

現官雲南巡撫

八聲甘州得張仲甫書寄西齋蓮生二家詞集

賦答

正加餐無計覓吳莼翻勞故人書喜璫函雙贈靈芬  
沁骨如味雲腴漫歎清才侘傺百劫總空虛笙鶴瑤  
京遠仙唱今無欲約煙波漁侶更賃將青舫尋向

黃壚怎年年浪跡鷗夢撇西湖抗緇塵午衙袍笏不成聲吟思澀寒竿無聊甚小闌微雪梅樹花初

南樓令題孫嬭卿女士停琴竹月圖

簾捲墮明星涼痕上畫屏照秋衾生怕流螢待訴琴心華月裏盼不到小樓明嬌伴憶娉婷孤彈恨轉生便姁娥也是愁聽悶倚秦箏尋舊夢偏斷雁又聲聲

李

堂字允升號西齋仁和人布衣有梅邊笛譜

篷窗剪燭集各二卷

探芳訊西湖秋感

暮蟬咽漸樹減清陰荷餘敗葉對一奩秋水霜痕已侵髮經年不到湖西路倦更停蘭楫怕空簾蝶夢難尋燕愁重說池館海棠發記金縷徵歌翠尊留別門掩西風芳信久消歇那堪更灑黃壚淚欲去翻淒絕柳蕭蕭冷挂蘇隄片月

小重山

一枕涼生殘暑徂秋風先瑟瑟弄菰蒲鴈聲疑是雁相呼西樓過寄有素書無病骨近何如尋常簾下立要人扶淡雲微月影模糊銀屏夢怎得度江湖

壺中天鄱陽湖中古柳平沙村居幽絕賦此調

以答漁唱

輕帆葉葉趁西風，點破湖天秋色。曲渚人家，星散住，望裏猶明斜日。當戶懸罾，立簷堆稻，老柳無多筆蕭蕭涼殺。兩鳬沙際閒立，疑是濯魄冰壺空明。一片迴與飛塵隔，如此浪游殊不惡。清夢還憐，今夕露滿船頭月，窺篷底臥我吹長笛。茫然何處，葦花無際搖白。

戴銘金字銅士德清人諸生有曰湖漁唱

疎影

正月十八日雨生都督招同鶴田學博榆

樓鈕瑤圃泊公子壽民西崦探梅倚此紀游用石帚韻

溪流漱玉趁乍晴，攜槳微雨經宿路。憶重遊雪密雲深，橫斜半倚修竹。冷香又結羅浮夢，渾不辨山南山北。看一雙瘦鶴梳翎守箇小樓幽獨。可是朦朧睡起，壽陽粉額上輕點蛾綠。覓覓尋尋聽著鐘聲春入老禪茅屋。瑤琴却好，成三弄誰解得，鞠通仙曲。倩舊傳倒暈花枝翠墨寫來長幅。宋開禧時湯叔雅與弟叔用俱工墨梅，各出新意，謂之倒暈花枝。時都督作西崦探梅圖。

改

琦字七薌華亭人有玉壺山房詞選二卷

曹種水云七薌詞清空處如冰壺映雪飛  
動處如野鶴依雲讀之神爽

浣溪紗憶虞山

聽雨僧廬今幾年推窗臥看劍門山紛紛紫翠落屏  
閒紅豆花開詞客老絳雲樓鎖柳枝殘靡蕪香夢  
一身煙

黃金縷

背倚羅屏燈影瘦雨又瀟瀟攬入銅壺漏難慰吳孌  
眉葉縐芳情釀得濃如酒盼斷人歸歸燕後亂落  
梨花最是愁時候三起三眠人似柳枕函不合安紅  
豆

齊天樂塔鈴

泠泠細響從天墮絲絲寶繩搖曳九子聲圓千花輪  
轉影臥夕陽空地香林暮倚有放鵲閒心護花深意  
綺習難忘珮環飛下碧霄裏僧寮留客結夏話關  
山曉月馱夢驢背梵唱高提潮音靜答煙語郎當遙  
遞枯禪定矣正佛火初殘寺門斜閉已斷聞浪任他  
風過耳

程梓浩字瑤波昭文人諸生有飭華館詞

憶少年人日草堂獨飲是夜卽擬儗裝悵然賦

此

辛盤春老丁簾人隔辰年情倦青尊對誰飲只梅花  
能勸風颭珠幡春影暝引相思翦紅深院今宵已  
如此況來宵天遠

綵鸞歸令

東風老矣綠慘紅悵獨凭空闌闌愁  
難狀

綠鎖閒門吹瘦苔紗舊綺紋春殘誰遣酒心溫看衫  
痕游絲冒絮牽鶯夢鈴索判花蕩蝶魂闕簾幺月  
漏微雲又黃昏

唐維峻字

悟真號春橋諸生有靜虛室詞

清平樂

藕花風峭涼露蟬先飽浴水鴛鴦雙影小照眼一枝  
紅蓼西風落葉蕭蕭秋衾魂夢迢迢偏是那家庭  
院月明夜夜吹簫

楊文孫字

秀實號芸士海甯人

綺羅香題馬楝原倚雲亭填詞圖

薄霧簾櫳餘寒庭院又近濃春天氣詞客心情偏惹  
傷春滋味聽疎雨獨夜誰眠看豔影隔牆還倚好安  
排熨翠絨紅花前商略到花底無端故園拋却贏得  
江湖載酒知音餘幾回首林亭只怕閒愁難記且

銷磨減字偷聲恁消受冷吟殘醉儘撩儂千里鄉心  
笛聲吹又起

暗香題陳心壺女史梅邊待月圖

香疎雲薄正巡檐獨笑倚闌孤酌且忍輕寒休誤姮  
娥舊時約爭奈宵深酒醒尚隔斷玲瓏簾箔佇弄影  
忽到窗前照見守花鶴妝閣捲羅幕似那夜黃昏  
夢回籬落春痕瘦削好寫苔枝上牆角凝盼花梢徐  
度賸一片淡煙籠著料只有雙翠羽伴伊寂寞

查奕照

字麗中號丙塘嘉善人原籍海甯有騰琴

館詞

蝶戀花送春

枝上殘紅留不住屬付東風緩緩吹將去窗外流鶯  
嬌自語一般也恨飄香雨斜陽滿地胭脂絮話是  
傷春詩是傷春句尋遍橫塘無舊侶呀羅猶記前裙  
處

任安上字禮塘

賣花聲鶯

綠到柳絲閒便已絲蠻猜來話有幾多般似說流光  
飛電逝轉眼春殘何不日憑闌儘著追歡雨偏容  
易日偏難儂與林花同命薄只遇春寒

周迪號藕塘

疎影舟中綠陰

煙霏柳港正濃陰，兩岸畫橈輕漾小。拓窗櫺一碧空明，蓬背綠圍成幃。薔薇開處，酴醾老，尋舊約，但深惆悵。恁春酣碧透，紗櫺何處，挂帆重訪。猶認津亭古樹，看黃鸝兩兩相喚，飛上夢繞山陰。酒盞含情，添得艣聲搖蕩。暮雲層疊，江村隱映，一縷紅霞微颺。待幾時，權影歸來，定有新蟬催響。

汪潮生字汝信

號欽泉，儀徵人。有冬巢居士詞四

卷

長亭怨慢玉句斜

恨吹到秋風，秋雨寂寞，離宮夜深。歌舞寶鏡光寒，玉篝香冷，委塵土，淚痕銷盡。應灑遍隋隄路，繡戶影重。重怎剩得青山，無數。淒苦數荒煙滿目，不見昔年眉嫵。春光老矣，倩誰覓，殿中鸚鵡。最怕是郭外寒潮咽，殘月香魂無主。算夢裏君王，留得深恩千古。

高陽臺鴛鴦湖春感用玉田生西湖春感韻

浪蹙鱗圓，裙拖鴨褭，春心蕩起吳船。六柱窗低，愁風愁水，年年來時笑指垂楊，問問而今芳草。誰憐意茫，然夢醒高樓，一碧如煙。相思最是東風，薄共傾脂。

河水流下晴川鏡裏雙禽幾時飛去湖邊蘋花拂破  
空留影誤佳期只剩鷗眠卷晴簾纔聽流鶯又喚愁  
鷗

又草色

陌上春歸窗前晝靜芳塵只覺芊眠帶著花陰便教  
一碧如煙吹來認得春風面倩風光點染春蕚是誰  
將別樣丹青賦到吟邊 惝恍留蝴蝶飛還住正紅肥  
綠潤相映新鮮無那離情幾分顚顚堪憐夢回河畔  
青青路惹相思望裏絲絲鎮愁伊那處遙看那處低  
連

徐蘭生上元人

八聲甘州 草色

甚東風吹轉舊池塘回首碧迢迢是幾回煙夢幾番  
夜雨點染春朝一徑踏花歸去軟襯馬蹄驕寂寞長  
亭路淒黯魂銷 那更凭高望遠歎夕陽人去淺淡  
無聊想江南前日新漲接裙腰恁而今數聲啼鴉恨  
青青未抵暮愁饒誰知我鬢痕顚顚對影空描

何其章字小山號琢甫青浦人有七榆草堂詞

黃韻甫云七榆詞清淺橫斜一空俗障

菩薩蠻 題西溪漁隱圖